

Gawwani magaalah ummatta Kaxxa bakaarih addat geytamtam qaddowte.

2 sanatah gawaani daqaarak inayta magaalal yaaquben leeh waytook gexxaamah leek ink barmiil 50 ih xamanaah 1 gerikaan 10 ih xaamak yaqubeenim warsan.

lee edde xaman lakqo gee waa mari kaxxa taqabih addat geytimam tama magaalah ummatta neh qaddosse.

Gawaani daqaarih xinto 2 sanataak amo ummatta leh tan Taqabi Yfdigoonu duude weenim kee, Gawaani magaalak 18 kilo mitiril geytima Weeqaytuy ummatta edde waddiimak tene Dagak Edde caxtah yan kemikal summiik gexxaamah qaafiyat taqabi katassam warsan.

Qafar Rakaakayak 32 namma daqaaral saytun maqabi leeh taqabi kullikel yanim takkay immayaay, baxsa luk afxeraay, Gawwani daqar kee qeeli daqar daqaaral kaxxa bakar yanim Tama xaagi yascasse.

Qafar rakaakayih doolal Qafar taqabi afdige waam takkay immay xayii saaku tigray rakaakayah 12 miliyon brr catoh yeceenim kassitna

Itiyopiyal Qabaraak Gexxaamah Baritto buxaaxi alfimak geytamtam Qaddowte.

Itiyopiyal Dacarsittoh xiina elle mango dariifal axcih Gabbi Qaxih itiyopiyaay somaali kee oromooy qafar rakaakayal kaxxa qabar qagitaak rade leemih maysi tanim warsen.

Inkih tan Ayro mawqah afrikah caddol away tambulleh tan robtu dagna kee siliyti milaagul muggaqisan Qabar qagitaak gacu waamih meysi tanim silayti caalat kattatta mixgwa tiysixxige.

Uganddaay, Kiniyaay, Somaliya kee Itiyopiyah cadol 12 Miliyon Yake maral kaxxa qabaar radeh geytimam kee itiyopiyal dubuh 5 Miliyon takke ummatta sissik maaqiddi cato faxxam qaddowte.

Sissik cato elle faxximtaah, dacarsittoh caddol qabaarat naharsi biyaakah biyaakitta dariifak qafar rakaakay foocat yanim tamixxige.

Itiyopiyal gexe sanatah Radeh suge qabaarat 15 miliyonuuk daga yakke mari maqidakk cato faxak sugeeh, manggo saqa kee sehda edde rabte qabar radeh sugem kassitna.

Eretriyah Gunsuluh Gaabutil suge Qumar Macammad Sarmaqi Diplomasi Taama Cabak Amerikal Gaba yeceem Qaddowteeh.

diplomaasiyatah suge Qumar Macammad Naamok gexxe talaatah tamaa diplmasi taama cabak eretriyah doolatal makeeh, Amerikal Meglo essereh yanim Timixxige. Sanat 2008 ak widirih Gabuuti kee Eretriyah Fanih diplomasi kaxxam daggowteeh, Away kude Qumar Macammad Gabuutil eretriyah safaaratal taama geseenah sugem warsan.

Nammok gexe december alsak 26 it Tonnah Afrikah inkittiinoh addal eretriyah afak taamitak suge Alord Asghedom Eretriyah doolal Ganak Ameerika Eleelitem Timmixigeh sugtem Kassitna

Kassis

AIC Majallat Kulli alsii elle cabol awquk sugteek lakal 4hayto mawqaak lakal dagoo waktih solteh sugtem kassitna.

Awayah Tu gactek insha allah ta alsaaq xabba haanam baxa'a baxsa le oytitte luk Kulli alsii awqeleeh sin gabat agle muxxo leemih sabbatah gaba edde essegella

Konnabi Daqaaral Polis yoo toogore axcuk rabe awkay namma ayyamah magaq kak akke kal suge kimaalih yogoqeenim

Qafar rakaakayak Konnabi daqaaral Bar magaalal Polis Caxxat Yoo toogore iyyek lakal daktaral rabe qali mirac Darasah magaq kah akke kal kah sugem Kaa toogoreh tan polis qadlih xayyowe wayteemih sabbat kinnim Warsan.

Tatre December alsak 28 at temeete Arbaqah bar Konnabi magaalal yumuggureh rabe awkih caagid elle yaninna wagsisaak Tokkel adda yaaxige inki tobokoytak tu elle tekkenna kee yanih yan caalat wagsisaak abne xaagu ahaak gubal sin aysabbenno.

<https://www.youtube.com/watch?v=JY6xz0hgLA>

Americal Qimbboh Addah Soomalih Taabuke Muslimto Mala buxah Adoytah doorimteeh Gexe ayyaamih addat kuraanal xiibatak xagaa cultem timixxigeeh

Amarikal Xayi saaku gaba kale sanatih elle cabol tekke doorol Mennisotah rakaakayal mala buxah adoytiinuh faxittee h mayso geyteh sugte Ilhaan Kumar Kinayak xabbo marih gasol toobokem kinni warsaanam.

Takkay ikkah, qunxxih amerika buxa mara luk culteek lakal Asaaku Amerikal naharsi Barray soomlih tabukeeh ta caddo gufte tekke.

Ilhaan Gexxe arbaqah kuranal

xiibitak mala buxat isi foxo tibbixeh tanim qaddowte.

Email: afar.infocenter@com

Amerikah abba Baraak Obaama Elle Cabo Yab Gexe ayyamah Chikagoh Magaalal abeeh.

Naharsi Data numuy Amerikah abba Yekkeeh, Ameerka 8 Liggidah Miraacise Baraak Obaama Elle caboh rubsus yab edde abeh yenem gexe ayyamih addak sugte.

Baaxoh abba baraak obaama elle cabo yab elle abem naharaak Kak ugteh yan Chikaagoh magaalah adda kinni. Obaama tamakkel abe yaabay, Alafaatal Loowimta ummatta elle geytimteliliiy, meqe abba yoo abtem siini axcuk tamakkel Geytime shiqbih gadda gacsem tumbulle.

Baraak obaama xukka elle iyyem awayih uddur amerikal yambulle baxambaxsak sugte.

Obama reeda cabeek lakal garu sitak baxs wayta taama culeyyo, Axcih inni waktu kitooba firisiyyat tatruseyyo Axcuk yaabe.

Baraak Obaama Qumrik awayih uddur 55 ut geytima.

Qaalamak Adam Baxi Cakkih Egla Human Rights woch 2017 hele Ligidih xaagu teyyeeqeeh.

Tama egla naamok gexe kameesih teyyeqeh tan baar le

kusaaqal 90 ak daga takke baxooxal Adam baxi cakki edde yan caalatat yaabtam takkay immayiyi.

Axcih Afrikah gaysal tatre 2016 heele fargai loowoh liggidi Sadi Soloola kee mabla currik qaddoysaanamal cayla le xukko edde tumbulle liggidak sugtem qaddoysen.

Axcih Afrikah gaysak Adam baxi cakkih xukko gexe sanatah elle tumbulle axcuk migaq kak xageenim Kiniyaay, Uganddaay, Gabbi qaxih sudanaay, Buurundi kee somaaliya edde tanim takkay immayiyi, itiyopiyat kaxxaam xukka iyyeh yanim tumbulle. Itiyopiya sadi soloola tayseeduh beyteh tan maaqatta, Dariifa baxooxak inkih elle cabot tet hayteh tanim human rights woch Qaddesse.

Gexe sanatih addat itiyopiyal sugteh yan caalatak gexaak baaxo qawalayla wargih xintot geytimtam tama kusaaqal kassiiisaak

Doolat qarkakisa migaaqal Xaagu qawaay, siyaasa maraay, Gada aba edde anuk Alafaatal loowima mara uxih casbit yabbixem yescesse.

Dr qaddawa naamok gexe itleenih kaa yibbixeenim takkay Immay, arbaqah casbik kaa cabenim qaddowte.

Takkay immay Dr Qaddaawa uxih soola casbi gurrah Pasportiiy, Kompiiter kee manggo duyye doolat isi gabat kaak Tabbixem kinni warsaanam

Dr Qaddawa Qusba sanatih bilol AIC luk telfoonul abeh suge Walalal gabuutil federaal xinto gace wayya haytek kalah calli Mayan axcuk yaabeh sugem kassitna. Tama yab afa baaxol manggo qokol geeh yanim tumbulle.

Gabuutil Lobak sehdad qawalayla abeeh, Inki num edde rabem Tontobbe.

Doudal yaaxigen Alluwa gasol inki barseena kee nammay takke sayyot lubak abeh yan qawalaylat num rabeeh, nammay takke sayyo xaaguqal cabem edde nobbeh nenem gexe ayyamak sugte.

Qafar Rakaakayak Awsi Rasuk Dubti aysaqiiti Dariifal Sookar Qaalah Projoktit taamitak sugte qafaray 1500 takke taamak xireyeenimm Warsen

Sokkar buqreh fabrika tatre alsaak xabba haanam 1500 takke qafar xiireytech tanim kee tama mari sookar projoktit saytunaane kee Dacayri hinnammay wardiya taamat dubti kee aysaqiiti daqaarak culeh suge mara kinnim timixxige. Taamak nee xiireyen iyya marak elle nobbennal sinam isi taamak bayissem alle kalah ken xiiriyeenih yaniinim kee weeqa elle xayosenih yanin rakaakay doolat calli keenih abe weem AIC ih qaddoysen. Tama taama luk suge mari

inkih gab dagoytiitiiy sinni xaylo tama taamak geyan gaqambbytat askamuk suge kinnih tanim kee Calli wayya heenik sinni ceeloh maaqattak teena beyoonu waanam Warsen. Sokkar projecti taamat leh yan 29000 yakke marak Qafar kee Qafar rakaakayal yooboke maray Qafar akke sinni tittat 400 akke waytam tama xaagi yascasse.

Away qusbih 1500 takke qafar xireyniik lakal sokar buqreh taama Foocat Cajji Cuseen kee Shek Yusufuuy, tonnah gifta Cabiib Qali mirac Heenih yaniinim kee tah kah abeenim siqbi sittat ruubana gida kinnim Tama ummatta AIC ih rubte xaagul kassissen.

Itiyopiyah Caddol doolat sokkar buqreh taamah afa baaxoh bankittek beeh yan abuud elle gacsam faxxiimak sugte uddur sokkar fabrikitte Taama qimbbisekal sugteeh kasaara tekkeh taim ahaak дума tontobbeh sugtem kassitna.

Kilbatti Rasuk Baracle Daqaaral 331 milyoonih birrih Qasbo Kampani Xissmtu waytam timixxige.

Danakil Industiyl Deqsitta Baaxoh addah kampani Barqale Magaalal 331 Miliyoonih birrit qasbo bicsiyyih fabrika xissuh bicak gaba kalteh geytimtam

qaddosse axcukuuy, reporter deqsitta xaagi warkat gexe ayyamah teyyeqe xaagl tiysixxige

Danaakil Industiryal deqsitta kampani xisseh tanim titike deqsitta kampani kinnih tanim kee baracle daqaarak Camad Qeelal geytimtah tan qasboy ahaak дума Qafar isih qaada gurral gaba taamal bicisak sugte Tama kampani bicisak afa baaxo kee baaxoh addah qadaagal xayyossu waytah tanim tama kampani leh yan gifta samuel kaasa Reporter xaagi warkatah warse.

Fabrika Alsas 500,000 kuntal bicisseh xayyossu waytah tanim kee Tahak sehda maaqoh takke qasbooy, saqi maaqidda kee industri taamal assa qasboh gurral xayyowelem kinni warseenim. Tama kampani Baracle daqaarih xintok 20,000 karemitir takke baaxo Xisne elle abtuh geytech tanim Reoprter xaagi warkat tama xaagul Qaddosse.

Ahaak дума Qafar rakaakayal xissmtah tan fabrikaakit taama nasiib geytam manggih qafar ake waamara kinnim tamixxige.

Libya kee Italiyah fanat xabbo maray awropa fan culam faxak suge edde gexak suge doonik korteeh 100 uk daga yakke mari edde rabem Qaddwote.

Libayaak ugutteeh, italiya cultaam faxak sugte xabboh xiinay 107 take edde sugteh tan qunxxa doonik bayteh tenem geXe ayyamak sugte. tama marak taham fan 8 numih lafa dubuh geytimteeh raaqe marih lafah goran uxih akkuk geytimam timixxige.

Tamacket suge marak, manggo gaba Eretriaay, Itiyopiya kee Sudaan mara kinnim xaagitte tascasse.

Qafar Rakaakayak Abqaala mgaalah addah bajaajitte kee Minbusal yaaxigen qunxxa baaburwa beytah tan kokkobitte taama soolo abteh sugtem tontobbe.

Abqaala magaalay kilbatti rasuk inayta magaalah taniih, manggo ummatta elle geytitah taniliy, geXe ayyamih addat magaalah addaak Doktor fan takku kalah yan ayfaf takku cayuk sugte bajaajitte beytah tan shiforwa sitta geYya heenih taama soliseenih sugeenim tama magaalak nee gufe xaagi yascasse.

Tama shiforwa taama kah soolisseem elle warsan innal lakqok sinnih faxaanah gide elle beyak sugen aroocal beyaanam faxximtah gide keenih madqeenimih sabbat kinnim tama xaagi yascasse.

Gambiyah Baaxoh Abba Yacya Gaame reedak oobu waam yiysixxige.

Ayro kormah afrikat raqtah tan Gambiyal dagoo alisttek naharat Tekke baaxoh abba warakit qidol doorimeh yan num abbinu elle tabsam faxxiimak sugtekkel doorot garqiino tekke axcuk dooro gexissa makaadok cokmi buxal wayto xayyoyseenih sugeenim kassitna.

Tonna leemik gambiyal ugutteh sugte umaanek gexaak qawalayla wargih xiinisso heenih sugeenim tamixxige.

Xayi saaku Gambbiyah malah buxa yacya gaame ciggilta alsitteh uxih reedal sugele axcuk faaticisseh sugtem kassitna.

Ayro kormah afrikah baxooxa qusbih doorime num kee baaxoh abbinu macaba iyye yacya gaameh calli gibbateniin, weenik sarra 2 baaxo axcih najeriya kee Senegal 7000 ik daga takke qaskar yacya gaame Caylah reedak obissuh gambiya fan culeeniik lakal baaxoh abbba yacya gaame doolat baddal taybullil xayyoowak, reeda cabu waam qaddoyse.

Tamakkell abeh yan yaabal iyyeemih, anu muslimtu kinnuk tonah kaaduk inki gambbiya baxa kinnuk inki

numih qabali caxte kal reeda Cabeyyo axcuk yiysixxige.

Samara jaamiqatak Saqal Dr Adam Borri Casbiseenim Tontobbe.

Qafar rakaakayal Samara Jaamiqatih Saqal Dr Adam Borri Gexe 3 Ayrook naharat Uma adoobi migaaqal casbiseenim Tontobbe.

Takkay ikkah adam borri casbisen marak 3 hayto num kinnim tamixxige.

Taturte ayyamitteh samara jaamiqatal gira edde gexxeh tan uwwayti qarih Caagidit Axawah haak 2 num yibbixeenih sugeenim takkay ikkah uxih qadlih xayyoyse weenih yaniinim tamixxige.

Dr. Adam borri casbit kah gaceemik sabab ahak afal rakaakay doolatak Pooliis komiishinih, afranji loowoh December alsak 29ah jaamiqatal ugutteh ten gira wagsiisak yuktubeh yen ayyufta yuktubeek geera. 20 ayrok amo sugeh yan forensic fokkaaqqoh xalu kaa kah yaysixxigeninna elle essereh yan ayyufta macah neh tuktube? axcuk Wayto kaak xayyoosenim Samarâ jaamiqatak, baad kee ummatah angaarawih saqalah yan, Gifata Abuubakar Yaasiin Asaaku Sheger Fm 102.1 luk Samarâ jaamiqatal away tan gubak-daga wagsiisak abeh yan esser kee gacsal iyyeemih